

藏六石能生我不思勒馬於康衢藥可利人
 罔念牧羊於順境五賊紛紜於覺地七情汨
 沒於靈源三惑未除棄持身之玉尺四知何
 畏捐照己之水壺眞寶種捨而弗耘虛妄根
 培而益溉北鄧紀字東嶽刊名或先亡未脫
 於陰郊或前過尚蒙於幽境既業緣之未滌
 慮善果之難成仰冀上聖之慈悲俯念下愚
 之懇悃思煩尺一澤溥大千富令雷轟願勾
 名於黑籍絲綸風動眞移字於青編凡幽息
 塚訟之呼六洞絕仇讎之執一身故潔萬業
 澄清聖雲蔭其心田起居壽域德雨膏其性
 海出入春臺紫霄鬱勃於百關丹霧氤氳於
 五體松筠耐歲桃李酣春與天爲徒永宴熙
 明之運隨劫受化常臻福慶之鄉得見太平
 永無哀謝上願乾坤澄彩河洛煥符風雨宣
 融山川清晏紫塞息射鵬之技玉闕來天馬
 之歌鼓腹含哺遂三農之樂意耕食餐飲賜
 萬姓之歡聲朝多華采之能野絕經鋤之隱
 則上明
 天尊大慈之化下副臣等皈命之誠謹啓以

聞

發願

存神燒香

香官使者左右龍虎君侍香諸靈官當令臣
 落景陞壇行道之所自然生金液丹碧芝英
 百靈衆眞交會在此香火爐前令臣學道得
 道求仙得仙齋主獲福幽顯沾恩十方仙童
 玉女侍衛蘭烟傳臣向來所啓速達徑御
 太上无極大道至眞玉皇上帝 御前

出堂頌

靈寶領教濟度金書卷之一百六十六

靈寶領教濟度金書卷之一百六十七
 九百六十九
 道九

洞微高士開光救苦眞人霖金具授
 靈寶通玄弘教水南先生林靈眞編
 科儀立成品類錄
 第三日早朝儀

步虛 燒香頌
 各禮師存念如法
 衛靈

天書數羅下眇太微 元化生成 靈烟九回
 八景六周 聖運所持 左宸赤方 右啓帝扉
 東華南府 灌鍊辟非 迴輪日耀 轉盼月輝
 今日大慶 萬道同歸 玄壇正炁 保天無衰
 普告三界 驛龍風馳 如與道合真

鳴法鼓二十四通
 發爐

无上三天玄元始三炁太上道君召出巨身
 中三五功曹左右官使者侍香金童傳言玉
 女五帝直符直日香官各三十二人出出者
 嚴裝闢啓玄壇天帝神君當召此間土地里

域真官正神急上關啓巨今奉為入齋意以今清旦陞壇行道願得

玉清道元靈寶妙炁下降流入臣等身中即使玄壇清淨內外成真天無氛穢地絕妖塵琳琅振響十方肅清萬魔不干真誠上徹令

巨所啓速達徑仰

太上无極大道至真玉皇上帝 御前

請稱法位

具位奉行預修黃籙大齋法事小兆巨等與臨壇官衆等謹同誠上啓

太上无極大道虛无自然无始天尊太上道君太上老君高上玉皇十方已得道大聖衆至真諸君丈人三十二天帝君玉虛上帝玉帝大帝東華南極西靈北真玄都玉京金闕七寶瓊臺紫微上宮靈寶至真明皇道君三十六部尊經玄中大法師上相上宰上保上傳太平下教二十四真人西城總真玉君太乙真人東嶽上卿司令茅君定錄保命二真人名山洞府得道神仙三界官屬一切真靈巨聞一元凝妙旋道炁於大羅三極開光奠

陽精於翠蓋雲層煥我之表天開開蕩蕩之形五德瓜分瞻紫虛之御炁四七碁布澄碧漢之流輝南北瑞拱於紫垣東西迴旋於黃道帝車中運司萬象之權衡天輻旁周作羣生之主宰五靈煥彩二景耀光巨玉緯以森羅列璇樞而洞煥上司帝政下職民生惟丹悃之皈依必洪禧之衣被今齋主某潛陶二炁密戴一星幸際昌辰拱玉虛之化雨欣逢道運觀金籙之慈雲事蓋先憂心期後樂惟形神逆旅等閑過眼於陽輝念生滅轉輪倏忽驚心於陰垢雲駛月運舟行岸移暗室之燭未明中流之壺何在撫膺切切勵已皇皇仰九戒二符能植未來之神力而九幽大洞可消已往之威章鳳象徘徊龍章煥爛敢先祈而佩奉庶永藉於維持蠲潔達虛紫微壇之三級端嚴法陸象璇極之九重寶籙爰建於預修玉訣敬嚴於受度仰瞻乾聖俯扣坤靈俾蟻悃以上通祈洪恩而下邁堯言慶素葵志撫丹齋心九拜以階升造膝再言而凡奏爰有詞旨謹當宣奏

宣詞

按如詞旨備切真誠巨等共按之圖率彰葉爰瞻芙蓉之寶蓋睇鸞木之飛旌暘谷浮光羲馭浴紫霞之影神州凝曉鳥輪騰丹霧之輝肅將振鷲之班肆觀和鸞之御寶花四雨間煒燁之朝輝翠華層羅映陸離之霽色百和藹蘭烟之瑞九成和鈞樂之祥十極朝元三靈拱聖扣首玉墀之下傾心丹扆之前重罄愚衷惠微懇造

以今清旦行道請法衆等運茲初捨上香

願此香烟騰空徑上供養

无上至真道寶巨等皈身皈神皈命首體投地仰依

太上三尊願以是功德上祝

皇帝陛下伏願天錫九疇帝扶五運聖神御

極山河超禹迹之宏英武臨朝文軌越堯疆

之大等八演而益福崇五嶽以齊齡中掖東

宮佐政克禪於景運內朝外屏承符共植於

昌基今故燒香自皈依

師尊大聖衆至真之德得道之後保天長存

和與道合真

以今清旦行道請法眾等運茲二檢上香

願此香烟騰空徑上供養

无上至真經寶臣等皈身皈神皈命首體投

地仰依

太上三尊願以是功德皈流齋主某伏願一

和齋勃百願繽紛南極流輝耀門闈之喜

東華街慶凝院宇之祥光暖生赤梓之春陽

散粉榆之旦齊眉舉按歡聲日沸於家庭坐

膝扶床喜氣雲臻於梵單今故燒香自皈依

師尊大聖眾至真之德得道之後升入無形

和與道合真

以今清旦行道請法眾等運茲三檢上香

願此香烟騰空徑上供養

无上至真師寶臣等皈身皈神皈命首體投

地仰依

太上三尊願以是功德皈流金經玉緯列宿

垣星伏願祥曜珠聯瑞光璧合溢金盤於沆

瀣甘露飛華調玉燭於璇璣卿雲耀彩福祿

流輝於宿分攬搶絕影於經躔聖境典樞機

扶三天之化日上界足官府衍九地之祥風

今故燒香自皈依

師尊大聖眾至真之德得道之後升入無形

和與道合真

禮方 懺方

三啓

樂法以為妻 愛經如珠玉 持戒制六情

念道遺所欲 淡泊正氣停 蕭然神靜默

天魔並敬護 世世享大福

又

警警家國盛 濟濟經道典 天人同其願

縹緲入大乘 因心立福田 靡靡法輪外

七祖生天堂 我身白日騰

又

大道洞玄虛 有念無不契 鍊質入仙真

遂成金剛體 超度三界難 地獄五苦解

慈歸太上經 靜念稽首禮

三禮

臣等志心稽首禮

太上无極大道

臣等志心稽首禮

三十六部尊經

臣等志心稽首禮

玄中大法師

重稱法位

具位臣某謹同誠上啓

太上无極大道元始天尊太上道君太上老

君无上玄老十方已得道大聖眾至真諸君

大人三十六部尊經玄中大法師天師君上

相上宰四司五帝三界官屬一切真靈臣等

芻狗已陳木鷄未就佩九光之玉檢頂踵師

恩荷八會之金章勤奉帝力切切遷喬之想

悠悠運海之思飛鳥免於榆間徒幸素志友

康鹿於林表莫遂丹衷勉勵跡於芝瑛強承

顏於楓陛退思補過期雨露之恩光進勉立

功追雷霆之憲今申錫初誓印證終此今齋

主某泮勵形骸磨蕞蒸質望青冥而日週極

碧漢以心馳稽首十華雪刑書於今世皈神

三寶崇福祉於他生猶慮宿滯客塵久繁業

垢履畏途以流曳趨受景以盤桓舌在堪誇

罔悟是非之顛倒目成可羨豈思空色之回
 環心無一視之仁性背三思之戒天理地魄
 朝朝霧暗於昏衢陰粹陽精日日烟迷於苦
 海莫回頭於塵外惟曳尾於途中三元朱墨
 之紛紛五帝簡書之錯綜罪花未落善果難
 圓伏願天吏星馳頒丹綸於閭闔地祇風動
 承紫誥於朔單慈光爰照薄之繁威神勅玄
 曹之衆移名朱府紀字青宮解身命戰聞之
 威蹙退運限刑衝之惡曜禱期開雅碧潭澄
 影於秋蟾步武從容翠羽凝光於晚鑑雲醴
 潤星星之鬢霞漿酣湛湛之容快樂今時歡
 娛後世駕虛无乘渺莽衣食自然解幽暗觀
 光明形神俱妙劫劫長臻於福地生生永樂
 於陽天蒙米丹忱允昭玄既上願天網高晏
 地紀輝華風雨均調陰陽協泰璇極流彩尊
 玉帛於中朝銀漢開祥慕衣冠於外域邊絕
 狼烽之警野無鼠社之憂共樂太和同瞻大
 定則上明
 天尊大慈之化下副臣等皈命之誠謹啓以
 聞

發願
 存神燒香

香官使者左右龍虎君侍香諸靈官當令臣
 清旦陞壇行道之所自然生金液丹碧芝英
 百靈衆真交會在此香火爐前令臣學道得
 道求仙得仙齋主獲福幽顯沾恩十方仙童
 玉女侍衛蘭烟傳臣向來所啓速達徑御
 太上无極大道至真玉皇上帝 御前

出壇頌

靈寶頓教濟度金書卷之一百六十七

靈寶頓教濟度金書卷之一百六十八

洞微高士開光救苦真人等金真授
 靈寶通玄弘教水南先生林靈真編

科儀立成品 預修黃錄用

第三日午朝儀

步虛 燒香頌

各禮師存念如法

衛靈

元始虛皇 集炁居中 三景洞香 聲生穹隆

七轉九虛 混合回風 變化萬神 天地開通

吉日行事 萬魔敬從 陽暉正照 默運元功

執節連麾 散花太空 十方普慶 劫運無終

與道合真

鳴法鼓二十四通

發爐

无上三天玄元始三炁太上道君召出臣身

中三五功曹左右官使者侍香金童傳言玉

女五帝直符直日香官各三十二人出出者

嚴裝開啓玄壇天帝神君當召此間土地里

域真官正神急上開啓臣奉為入齋意以



正一天師清微帝 道教學社